

576

Na osnovu tačke j) člana 32a. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

U K A Z
O PROGLAŠENJU ZAKONA
O IZMJENAMA I DOPUNAMA ZAKONA
O NOVČANOJ EGZISTENCIJALNOJ NAKNADI

I.

Proglašavam Zakon o izmjenama i dopunama Zakona o novčanoj egzistencijalnoj naknadi, koji je donijela Skupština Srednjobosanskog kantona na XXVIII. sjednici održanoj 29. juna 2022. godine.

Broj: 01-02-695/22 PREDSJEDAVAJUĆI SKUPŠTINE
29. juna 2022.
Travnik Josip Kvasina, s. r.

Član 3.

(Izmjena)

Član 4. Zakona mijenja se i glasi:

„Član 4.

(Uvjeti za ostvarivanje prava demobiliziranog branioca)

(1) Pravo na novčanu egzistencijalnu naknadu može ostvariti demobilizirani branilac koji tu naknadu ne može ostvariti prema federalnom Zakonu o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19 i 29/22).

(2) Lice iz stava (1) ovoga člana pravo na novčanu egzistencijalnu naknadu može ostvariti ako ispunjava sljedeće uvjete:

- a) da je navršilo 53 godine a nema navršenih 57 godina života;
- b) da ima prebivalište na području Srednjobosanskog kantona (u daljnjem tekstu: Kanton) u trajanju od najmanje 12 mjeseci neprekidno prije podnošenja zahtjeva;
- c) da je prijavljeno kao nezaposleno lice u nadležnoj službi za zapošljavanje najmanje 12 mjeseci prije podnošenja zahtjeva;
- d) da ostvaruje mjesečne prihode u iznosu manjem od 50% minimalne penzije isplaćene u Federaciji Bosne i Hercegovine (u daljnjem tekstu: Federacija) za decembar prethodne godine.“

Član 4.

(Izmjena)

Član 5. Zakona mijenja se i glasi:

„Član 5.

(Uvjeti za ostvarivanje prava supruge / supruga umrloga demobiliziranog branioca)

Pravo na novčanu egzistencijalnu naknadu može ostvariti supruga / suprug umrloga demobiliziranog branioca koja je mlađa od 57 godina života ako ispunjava sljedeće uvjete:

- a) da ima prebivalište na području Kantona u trajanju od najmanje 12 mjeseci neprekidno prije podnošenja zahtjeva;
- b) da je prijavljena kao nezaposleno lice u nadležnoj službi za zapošljavanje najmanje 12 mjeseci prije podnošenja zahtjeva;
- c) da ostvaruje mjesečne prihode u iznosu manjem od 50% minimalne penzije isplaćene u Federaciji za decembar prethodne godine.“

Član 5.

(Dopuna)

Iza člana 5. Zakona dodaje se član 5a. koji glasi:

„Član 5a.

(Uvjeti za ostvarivanje prava djece umrloga demobiliziranog branioca bez obaju roditelja)

(1) Pravo na novčanu egzistencijalnu naknadu može ostvariti dijete rođeno u braku ili van braka, usvojenik i pastorak umrloga demobiliziranog branioca, bez obaju roditelja, ako ispunjava sljedeće uvjete:

- a) da ima prebivalište na području Kantona u trajanju od najmanje 12 mjeseci neprekidno prije podnošenja zahtjeva;
- b) da nije navršilo 35 godina života;
- c) da se nalazi na redovnom školovanju ili je u evidenciji

577

Z A K O N
O IZMJENAMA I DOPUNAMA ZAKONA
O NOVČANOJ EGZISTENCIJALNOJ NAKNADI

Član 1.

(Izmjena)

U Zakonu o novčanoj egzistencijalnoj naknadi („Službene novine Srednjobosanskog kantona“, broj 9/20; u daljnjem tekstu: Zakon) član 1. mijenja se i glasi:

„Član 1.

(Predmet)

Ovim zakonom uređuju se uvjeti i postupak ostvarivanja prava demobiliziranih branilaca, supruga umrlih demobiliziranih branilaca i djece umrlih demobiliziranih branilaca bez obaju roditelja na novčanu egzistencijalnu naknadu.“

Član 2.

(Izmjena)

Član 3. Zakona mijenja se i glasi:

„Član 3.

(Pojam novčana egzistencijalna naknada)

Novčana egzistencijalna naknada je mjesečna novčana naknada na koju, pod uvjetima, na način i u visini propisanim ovim zakonom, ima pravo demobilizirani branilac, supruga / suprug umrloga demobiliziranog branioca i djeca umrloga demobiliziranog branioca bez obaju roditelja.“

nezaposlenih lica;

d) da ostvaruje mjesečne prihode u iznosu manjem od 50% minimalne penzije isplaćene u Federaciji za decembar prethodne godine;

e) da je umrla roditelj, od kojeg izvodi pravo na novčanu egzistencijalnu naknadu, bio pripadnik Oružanih snaga najmanje 12 mjeseci u periodu 1. aprila 1992. do 31. decembra 1995. godine.

(2) Ako novčanu egzistencijalnu naknadu koriste dva ili više korisnika, novčana egzistencijalna naknada pripada korisnicima u jednakim dijelovima.“

Član 6.

(Dopuna)

Iza stava (4) člana 6. Zakona dodaju se novi stavovi (5) i (6), koji glase:

„(5) Vlada Srednjobosanskog kantona usklađuje iznos novčane egzistencijalne naknade s rastom prosječne netoplaće isplaćene u Federaciji u prethodnoj godini.

(6) Novčana egzistencijalna naknada usklađena prema odredbi iz stava (4) ovoga člana utvrđuje se za period od maja tekuće do aprila naredne godine.“

Član 7.

(Izmjena)

Član 7. Zakona mijenja se i glasi:

„Član 7.

(Nadležnost za prvostepeno rješavanje)

O pravu na novčanu egzistencijalnu naknadu, prema mjestu prebivališta podnosioca zahtjeva, u prvom stepenu rješava općinska služba nadležna za branioce (u daljnjem tekstu: prvostepeni organ).“

Član 8.

(Stupanje na snagu i primjena Zakona)

Ovaj zakon stupa na snagu osmoga dana od dana objave u „Službenim novinama Srednjobosanskog kantona“, a primjenjivat će se od 1. jula 2022. godine.

Broj: 01-02-696/22

PREDSJEDAVALAČI SKUPŠTINE

29. juna 2022.

Travnik

Josip Kvasina, s. r.

.....

MINISTARSTVO PRAVOSUĐA I UPRAVE

578

Na osnovu člana 28. Zakona o notarima („Službene novine Federacije Bosne i Hercegovine“, broj 45/02) i Odluke o broju notara na području Srednjobosanskog kantona i njihovom službenom sjedištu („Službene novine Srednjobosanskog kantona“, broj 1/03), Ministarstvo pravosuđa i uprave Srednjobosanskog kantona objavljuje

JAVNI KONKURS ZA IZBOR NOTARA SA SLUŽBENIM SJEDIŠTEM NA PODRUČJU SREDNJOBOSANSKOG KANTONA – OPĆINA GORNJI VAKUF – USKOPLJE

I.

Objavljuje se Javni konkurs za izbor jednog notara za područje Srednjobosanskog kantona, sa službenim sjedištem u općini Gornji Vakuf – Uskoplje.

UVJETI

II.

Za notara može biti imenovano samo lice koje kumulativno ispunjava sljedeće uvjete:

1. da je državljanin Bosne i Hercegovine;
2. da ima poslovnu sposobnost i ispunjava opće zdravstvene uvjete kao službenik organa uprave;
3. da je diplomiralo na pravnom fakultetu u Bosni i Hercegovini ili prije 6. aprila 1992. godine na pravnom fakultetu u bivšoj Jugoslaviji. Ako je diploma stečena na pravnom fakultetu u nekoj drugoj državi, ovaj uvjet se stječe nakon nostrifikacije diplome u nadležnom organu;
4. da je položilo pravosudni ispit u Bosni i Hercegovini ili prije 6. aprila 1992. godine u bivšoj Jugoslaviji. Ako je pravosudni ispit položen u nekoj drugoj državi, ovaj uvjet se stječe nakon priznavanja toga ispita u Federalnom ministarstvu pravde;
5. da nije osuđivano na zatvorsku kaznu za krivična djela protiv čovječnosti i međunarodnoga prava, protiv službene ili druge dužnosti ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ (ne starije od šest mjeseci);
6. da nije član neke političke partije;
7. da ima položen notarski ispit.

IZBOR NOTARA

III.

Za notara se može izabrati samo kandidat koji je, po svojim radnim i ljudskim kvalitetima, dostojan ugleda notarske službe.

Prilikom izbora između više kandidata koji ispunjavaju uvjete iz tačke II. ovoga člana, odlučujući kriterij je uspjeh